



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 44. Severus Antiochia pellitur.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Thomas, & Nicostratus. Sæpius urgenti hanc rem Justinianus respondit; adeo populo carum esse Eliæ Successorem, ut de eo pellendo consilium omnino abjiciendum existimaret. Expectaret Elias, donec eum fata vivis eriperent. Thomam, & Nicostratum restituendos, postquam ceteræ Ecclesiæ ad unitatem rediissent. Plura Pontifex non obtinuit. Justiniani Responsum 7. Jun. anno 520. datum est.

Sæculum VI.  
A. C. 519.  
Ep. 53. 54.  
55. &c.  
p. 1526.

§. XLIV.

*Severus Antiochia pellitur.*

Post hæc Ecclesiæ Antiochenæ Episcopus Catholicus datus, frustra illis qui Ecclesiarum Pacem oderant, omni conatu obstantibus. Imperatori videbatur, Dioscorum Diaconum, unum ex Legatis Pontificiis huic Cathedræ esse imponendum; quia vero Alexandriae natus erat, Papa arbitrabatur, hunc virum longe utiliorem fore Ecclesiæ, si Episcopus Alexandrinus ordinaretur, quam si ad remotam, & ipsi ignotam Regionem mitteretur. Legati existimabant, eligendum esse Episcopum ex illis Antiochenæ Ecclesiæ Clericis aliquem, qui ab Anathemate contra Concilium Calcedonense a Severo pronunciato abstinuissent. His se alii opponebant dicentes: *Omnes qui in Communione S. Sedis vivebant, sunt*

Sug. Diose.  
p. 1512. Ep.  
54. ad Diose.  
Sug. Germ.  
p. 1514.

*Sæculum VI. sunt Nestoriani, illis potius fidendum, ut  
A. C. 519. modo ad Ejusdem Communionem redeunt.*

*Sug. Diosc.* Postquam ultra Menses tres tenuisset contentio, Justinus Imperatoria Auctoritate Presbyterum Ecclesiæ Constantinopolitanæ, cui nomen Paulus, ad tantum munus delegit. Cur istum præ aliis promoveret, inter alia dicebat, ipsum per annos duos Antiochiæ versatum, semper Severo Hæretico fortissimum peccatus objecisse. Eadem Catholici omnes de viri constantia testabantur. Cum Paulum Constantinopoli ordinare vellent, obstitit Dioscorus Legatus, dicens, Papam jubere, ut secundum antiquam Consuetudinem in ipso loco & Ecclesia sua ordinaretur. Legati datis 29. Junii 519. litteris Papam de hac Electione certum reddiderunt.

*Evagr. IV. c. 4. Liber. c. 19.* Justinus Imperator Ireneo Comiti Orientis, qui Antiochiæ residebat, mandata misit, ut Severum Anti-Patriarcham comprehensum deferri Constantinopolim curaret, factorum suorum rationem redditurum. Imo Vitalianus dicebatur petiisse, ut ei e gutture lingua avelleretur, quod ad populum dicens se conviciis lacessivisset. Interim Severus Irenei Comitis industriam fefellit; elusis excubiis Antiochia excessit, & fuga salutem invenit faventibus noctis tenebris Mense *Gorpiée* ara Antiochena 567. id est Mense Sept.

Sept. 519. Seleuciam delatus est, atque inde navigavit Alexandriam, ubi junctus est Juliano Halicarnassensi, jam antea jubente Imperatore Sede sua pulso, quod Concilium Calcedonense rejiceret. Severum & Julianum amicissime excepit Timotheus Episcopus Alexandrinus, qui Dioscuro Juniori successerat. Imperator Xenajam quoque Hierapolitanum, Petrum Apamiensem, omnesque eorum complices in Exilium ejecit.

Sæculum VI.  
A.C. 519.

Theoph.  
p. 142.

§. XLV.

*Theodoreti imago honoratur.*

Haud diu post hæc, allata sunt ad Imperatorem Justinum Acta coram Defensore Ecclesiæ Antiochenæ conscripta. In iis referebatur; priusquam Sergius Episcopus Cyrensis urbem ingrederetur, Andronicum Presbyterum, & Defensorem, & Georgium Diaconum, Theodoreti Imaginem Currui impositam unacum ipso inter Psalmos in urbem introduxisse. Ipsum deinde Sergium, postquam Sedem Cyrensem cepisset, Festum ad honorem ejusdem Theodoreti, Diodori Tarsensis, Theodori Mopsuesteni, & Nestorii Hæresiarchæ, quem Martyrem appellabat, celebraffe. Econtra Delegati, quos Sergius miserat, Imperatori Acta alia coram Defensore Cyrensi conscripta tradiderunt; nunquam nomini aut honori Nestorii